

Broj: 03-02-3-3/20
Sarajevo, 14.01.2020. godine

PARLAMENT FEDERACIJE BOSNE I HERCEGOVINE

Dom naroda

n/p gosp. Borisu Krešiću, izaslaniku
n/p gosp. Izmiru Hadžiću, tajniku

Parlament Federacije Bosne i Hercegovine
ПАРЛАМЕНТ ФЕДЕРАЦИЈЕ
САРАЈЕВО

Priloga:	15-01-2020		
Broj	Priloga	Vrijednost	
05/2 - 02 -	281/19		

Predmet: Odgovor na izaslaničko pitanje

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10 i 62/10), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine (“Službene novine Federacije BiH”, br: 27/03 i 21/09), u pravitku Vam dostavljam akt Federalnog ministarstva rada i socijalne politike, broj: 04-02/2-49/20 SS od 13. siječnja 2020. godine, koji sadrži odgovor na izaslaničko pitanje, koje je postavio izaslanik Boris Krešić.

S poštovanjem,



Privitak: kao u tekstu

359
Босна и Херцеговина
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО РАДА И СОЦИЈАЛНЕ
ПОЛИТИКЕ

Broj:04-02/2-49/20 SS
Sarajevo, 13.01.2020. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
Sekretar
n/r mr. sci. Izmira Hadžićević, sekretara

13.1.2020
03-02-3-3 / 2020

Predmet: Odgovor na izaslaničko pitanje, dostavlja se

Poštovani,

Na 4. sjednici Doma naroda Parlamenta Federacije Bosne i Hercegovine, održanoj 19.12.2019. godine, delegat Boris Krešić, postavio je delegatsko pitanje u pisanoj formi, koje glasi:

..... Naime, Ustavni sud BiH je 11. oktobra 2018. godine donio je Odluku prema kojoj je prekršeno pravo na zabranu diskriminacije iz člana 14. Evropske konvencije o ljudskim pravima, a koje se odnose na izjednačavanje vanbračnih zajednica sa bračnom zajednicom u pogledu ostvarivanja prava na porodičnu penziju. Između ostalog sud je i tada naglasio da novi Zakon o PIO nije normirao da vanbračni partner ima pravo na porodičnu penziju pa shodno navedenom moje poslaničko pitanje glasi: Da li postoje bilo kakve smjernice Federalnog ministarstva rada i socijalne politike u pogledu načina ostvarivanja prava vanbračnih partnera na porodičnu penziju i ako postoje koje su to smjernice, zašto građani odnosno striktno vanbračni partneri još uvijek svoja prava ostvaruju putem suda iako imamo Presudu Ustavnog suda, da li su u pripremi izmjene i dopune Zakona o PIO i koliko će još vanbračni partneri biti izloženi diskriminaciji prilikom ostvarivanja svojih prava? Zahvaljujem.".....

Na postavljeno zastupničko pitanje, dajemo sljedeći odgovor:

Federalno ministarstvo rada i socijalne politike je preduzelo aktivnosti i nalazi se u postupku izrade Nacrta Zakona o izmjenama i dopunama Zakona o penzijskom i invalidskom osiguranju, u okviru koga je pripremljena izmjena člana 69. Zakona o penzijskom i invalidskom osiguranju, kako slijedi:

U članu 69. stav 1. tačka a) mijenja se i glasi:

„a) bračni supružnik (udovica odnosno udovac) i vanbračni partner,“

U članu 69. dodaje se stav 2. koji glasi:

„Vanbračni partner iz stava 1. ovog člana, smatra se lice koje je kao takvo definisano Porodičnim zakonom Federacije BiH, a koje je svoj status utvrdilo u odgovarajućem sudskom postupku.“

Imajući u vidu naprijed navedeno, izmjena člana 69. stav 1. tačke a) Zakona izvršena je na način da se članovima porodice umrlog osiguranika uz bračnog supružnika (udovice odnosno udovca), smatra i vanbračni partner.

Također, u članu 69. dodaje se stav 2. kojim se vanbračni partner iz stava 1. ovog člana, smatra kao lice koje je kao takvo definisano Porodičnim zakonom Federacije BiH, a koje je svoj status utvrdilo u odgovarajućem sudskom postupku.

Postupajući po Odluci o dopustivosti i meritumu, Ustavnog suda Bosne i Hercegovine u predmetu broj: AP-4077/16 od 11.10.2018. godine, Vlada Federacije Bosne i Hercegovine, na svojoj 165. sjednici održanoj 29.11.2018. godine, donijela je Zaključak V.broj: 1403/2018 od 29.11.2018. godine, kojim prihvata Informaciju o naprijed navedenoj Odluci Ustavnog suda BiH, te je zadužila Federalno ministarstvo rada i socijalne politike da poduzme mjere i aktivnosti potrebne za izvršenje Odluke Ustavnog suda Bosne i Hercegovine u predmetu broj: AP-4077/16 od 11.10.2018. godine.

Dakle, izmjenom člana 69. stav 1. dolazi do harmonizacije odredaba Zakona o penzijskom i invalidskom osiguranju sa odredbama Porodičnog zakona u odnosu na prava i obaveze vanbračnih partnera.

S poštovanjem.



CO: Sekretaru Vlade Federacije BiH, Vaš akt broj: 03-02-3-3/20 od 07.01.2020. godine